

هــى

خالد ثروت

أشعار بالعامية المصرية

بطاقة الكتاب

عنوان المؤلف : هـى
المؤلف : خالد ثروت
التصنيف : أشعار بالعامية المصرية
رقم الإيداع : 2018 - 5202
عدد الصفحات : 100 صفحة
رقم الإصدار الداخلي: 149
تاريخ الإصدار الداخلي: فبراير 2018 (الطبعة الأولى)
تصميم الغلاف والتنسيق: المبدع إبراهيم فرج

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب
الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 13242
بطاقة ضريبية : 165-5-00031-572-01-35
رقم التسجيل : 2017-7 544-662-202
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat
هاتف : 01011256943 - 01116202218 - 01202541192
الشرقية - العاشر من رمضان - مجاورة ١٣ - عقار ٣٠٤ - الدور الثانى - أمام سنتر ١٣



رؤية الناشر

خالد ثروت شاعر يمتلك أدواته ، ويكتب من منطلق بحثى عن الحقيقة ، يطرح فى هذا الديوان جدلية التحول بين الممكن والمتاح ، ويُشعل أطروحاته غالبا بمزج بين هدأة الشعر وثورته ، فتراه حالما تارة ، وثائرا تارة أخرى ، ولكنه فى النهاية يقدم نصا شعريا له سمته الخاص ، غير متأثر بأساليب من سبقوه إلى هذا المضمار .

ولعل الربط الذى قدمه فى ديوانه يراه البعض مُضعفا للديوان ، - وأراه أنا - منتهى القوة فالمبدع الذى ينفك عن تجارب سابقه يضيع إبداعه بين تجديد أعمى وتقليد أصم ، وقد تفادى خالد ثروت هذا المنحنى بذكاء شديد وقدم منظومة إبداعية رائعة تجمع بين البساطة المفرطة والعمق المؤسّس على خصائص أكاديمية ثابتة .

وفى النهاية ، بين أيدينا عمل إبداعى متكامل ، لمبدع يعى مايكتب ويدرك هوية نفسه ، وهوية مجتمعه فعبر عنهما تعبيراً صادقا

الشاعر الناقد ناجى عبد المنعم

رئيس مجلس إدارة دار النيل والفرات للنشر والتوزيع

هنالك ثلاثة قواعد لتحقيق النجاح ،

كُنْ أعلم من غيرك ،

اعْمَلْ أكثر من الآخرين ،

و تَوَقَّعْ أن تحصل على أقل

مما يحصل عليه الآخرون .

" وليام شكسبير "

إهداء

إلي :

حبيبتي .. السند و الضهر

واللى عشانها و بيها كتبت الشعر

لـ " حور " بنتي اللي لسه ماجتش من واحده حبيبته

لـ جاكتي الجلد و القهوه

لـ شارع ضمني في الحزن

لـ كمانجه احمد مختار

لـ ألحان عمر خيرت و صوت فيروز

لـ أهلي واصحابي بـ صفه عامه

لـ أمي و أبويا بـ التحديد

لـ عبد الرحمن زكي صديق المرحله

لـ سونيك عمود الحلم

لـ 27 أغسطس 1998 ، 13 فبراير 2011 ، 3 مارس 2015 ، 27 يناير 2016 ،
25 سبتمبر 2016 ، 27 أغسطس 2017 ، 10 يناير 2018

لـ أونو كافيه ، مكتبة كتابي ، نولا ، ساندوتش ، ديليشز كافيه ، بُن الغالي ،
تحويجه ، مكاني .

لـ القوميه ، شارع الفلل ، كوبري المَبره ، شط الدنفاه ، المعديه ، شارع السلطان .

لـ الشَعر بـ صفته و بـ لونه ..

أهدى هذه المحاوله .

خالد ثروت

هي

يا روح ساكنه فضا ضلوعي

يا نُنْ فـ عين يغازلني

و يرسم حد لـ رجوعي

يا نعمة ليل فـ ناي عاشق

بيعزف نغمه مش كامله

ناقصها وجود و قُرب حبيب

و تبقى الغنوه مُتكامله

يا طيف انا قلبي محتاجله

كفايه غياب ..

يا صوت يُحكى و يتفسر

في ألف كتاب ..

يا نص عتاب ..

بيتلخص و انا فـ حضنك

بيمحي الهم من عيني

و يشفي الحزن من دمي

و إيه الدنيا سواكي إنتي ؟!

لَقَيْتَكَ فِي الْغِيَابِ بَنْتِي

أَغِيرَ مِنْ طَيْرٍ يَكُونُ شَايِفَكَ

وَأَنَا الْمُشْتَاقُ ..

يَا مَاضِي فِي حَاضِرِي أَنَا فَكَّرُهُ

مَهْمَا الْعُمُرُ عَدِي وَفَاتِ

يَا شَاعِرَ دَابِ عَلَى مَسْرَحِ

وَشَايِفَكَ تَاهَتْ الْأَبْيَاتِ

إِشْتَاقْتُ شَوْقَ مَا حَسَيْتُهُوشِ

مِنْ يَوْمٍ مَا أَنَا جَدِي مَاتِ ..

وَأَقُولُكَ إِيَّاهُ ؟

أَقُولُكَ إِيَّاهُ وَ أَنَا بَدُونُكَ !

أَقُولُكَ قَهْوَتِي سَادَهُ ..

وَسُكَّرَهَا لَقِيَ عَيْونَكَ

أَقُولُكَ إِنِّي قَنِيسُ لَيْلِي

وَأِنِّي بَجْدٍ مَجْنُونُكَ !

أَقُولُكَ إِيَّاهُ ؟

مادام انا لسه بكتبلك
هشيلك جوا مني بـ قفل
يمكن بقسى وانتى بعيد
لكن جنبك هاكون انا طفل
و هفضل فيكي متشعبط
وغصباً عن عيون قلبك
هيفضل خيطنا متربط
بآخر حُسن متسرّيب على الرُصفان
و آخر لمسه من إيدك
و آخر كلمتين رنوا
فـ ودني بعد تنهيدك
يا أجمل حد عاش فيا
يا أحسن ظن فـ النيه
يا أكثر حد انا دعتله
لـ ربي عشان يكون ليا
كتبت الشعر انا لأجلك
و سميته ديوان " هي "

المَدِيح

لِسَاكِ يَا قَلْبِي وَحِيدٍ
مَحْتَاجٍ لِإِيْدِ تَوَاسِيْكَ
بَاصِصٍ لَمْ حِلْمٌ بَعِيدٍ
و مَهْمَشِ اللَّيْلِ شَارِيْكَ
كَاسِرِ حُدُودِ قُدْرَتِكَ
حَالِفٍ مَا يَوْمٌ تَتَّهَدُ
و مُقَابِلِ الْفَيْضَانِ
مَنْ غَيْرِ مَا تَعْمَلُ سَدَّ
أَنَا لِسَهْ فِيَا الرُّوحِ
لَكِنْ مَا نِيْشِ عَاشِشِ
غُرْقَانِ فِ حُزْنٍ قَدِيمِ
و مِنْ الْجُرُوحِ بَاشِشِ
مَرْكُونِ فِ آخِرِ رَفِّ
و مِنْ النَّصِيْبِ مِتْشَالِ
أَمْسَحِ هُمُومِ الْكُلِّ
و أَنَا جَوَا مِنْ جِبَالِ
لِسَاكِ يَا قَلْبِي حَزِينِ

محتاج لـ طيف عابر
جواك مقام مهجور
هَج المَدِيح مِنْه
مُشتاق لـ مَدح حَبِيب
بس الحَبِيب هاجِر ..

الإعجاب هو أن تقف خمسة ساعات
امام لوحه جميلة في المتحف ،
أما الحب فهو أن تقف خمسة دقائق
أمامها و تذهب ،
ثم تعود لاحقا في الليل لسرقتها

" بابلو بيكاسو "

مِنْ يَوْمِ مَا غِيبْتِي عَنِّي

مِنْ يَوْمِ مَا غِيبْتِي عَنِّي
و الْقَلْبُ فَصَلُّهُ خَرِيف
و الْوَرُودُ عَمَالَهُ تَدْبِلُ
و النَّفْسُ بِبِرُوحٍ خَفِيفٍ
كُلُّ ذِكْرِي بَيْنَنَا وَقَعَتْ
مِ الْفُرُوعِ بِرِيَّاحِ غِيَابِ
و الشِّتَا عَمَالَ بِيْبَعْدِ
و الرَّبِيعِ مَالْهُوشِ إِيَابِ
بَسْ قَلْبِي رَغْمُ بُعْدِكَ
مَانَحْنَاشُ وَلَا شَافُ هَوَاكِي
قَوْلِي إِيَّاهُ الَّذِي شَرَبْتِي مِنْهُ
و أَبْقَى مَشْ فَارِقَ مَعَاكِي
لَوْ دَوَا خَلَاقِي تَنْسِي
شَرَبْتِي مِنْ دَوَاكِي
عَقْلِي مِنْ جَوَايَا كَرِهْكَ
بَسْ قَلْبِي مَشْ مَقْدَرِ
شِلْتِ كُلُّ مَا فَيَا لِيَكِي
بَسْ فَيَكِي أَنَا لِيَهْ بِفَكْرِ ؟

ليه بقول للناس ناسيكي
ثم احن لـ حاجه فيكى
ليه فـ اوضتى كُـل ما اقعد
بحكي للأوهام عليكى .!؟

ليه بشوفك كُـل ما ألمح
أى وش اللاقيكي إنتي .!؟
ساكنه كل وشوش مدينتي
و إنتي فـ الآخر سـراب
قلبي ليه خلاني أطاوعك
خلى طبعي يبقى طبعك
خلى قلبي يدوب فـ حيرته
دس جوايا الخراب ..
قلبي مش ندمان عليكى
مش هـجن لـ حاجه فيكى
حتى لو قاعد هـبطل
أحكى للأوهام عليكى ..

* اول قصيده كتبتها ف حياتي *

دي من سنك

المشهد الأول : بدايه روح

سنه واحده اتولد فيها روحين اتنين

لا يعرفوا بعض لا اتقابلوا

لا ف مره شافتهم عين

و فاتوا سنين ..

و شفتها بعدها صُدفه

و عيني جت على عينيها

ف دارت وشها فجأه

و انا مركز على ايديها

وهي بتعدل الخُصله

عشان مالت على عينيها

وانا واقف بدوب فيها

بتفاصيلها و مشيتها

لحد ما راحت الورده

و انا حاسس ب نِسْمَتِها

دى تطلع مين و فين بيتها ؟!

دى لازم جايه مـ الجَنه

مَلاك نازل يمس الأرض

عشان الارض تتَهنى

و فات اليوم لكن قلبي

فِضل عَثمان يكون ليها

و يشغِل كُل تفكيرها

يكون قهوه فـ فنجانها

و نغمة حُب فـ ودانها

تَرددُها بـ كُل هدوء

تدوب الارض دي عشانها

تكررُها و تحكيها

و يحفَظ صوتها كُل الكون

تشيل الهم مِن دَمى

تَلُوني بـ مليون لون ..

و شوقتها بعدها تانى
و قلبي ساعتها مال حاله
ملاك الارض قدامى
بتفاصيله و ب جماله
لافت انظار عيون الناس
وهو ما كان على باله
لا يعرف قلبي ايه حصله
منا لو اعرف اوصله
هغنيله هحكيله
ف عز الشمس اكون ضله

ماكنتش اعرف ايه الحب
و عمرى ما شفته بس سمعت
سمعت الناس تقول حبيت
و عشت و غيرت بس وقعت
سمعت كلام يرد الروح
عن ان الحب يشفي جروح
سمعت كلام يسد النفس

لـ عاشق عاش و مات مدبوح
و قولت لـ نفسي ليه لا ؟
ما أجرب ابقى يوم منهم
ماظننش لما أكون ليها
هبات و انا قلبي يوم مجروح .

المشهد الثاني : بدايه روح

حلمت ..
و عشت الحلم .. و صدقته
و جه اليوم و حققته
وقفنلها ..
سألتها عن تفاصيلها و جمال عينها
سألتها فين و أمتى دى جت
و كيف انا قلبي حنلها ؟
تسمحي تبقي فنجان بُن
اصب انا مُري جواكي

تحليني بـ لمسِيه حُب
بـ كلمه أدوب و أهواكى
سابتنى اقول و احكى كثير
و وسط عينيه 100 تعبير
ما بين حيره و لمعه و فرح
و في دماغها 200 تفكير
قالتلى فتحتلك بابي
تدق عليه منين ما تحب
شربت و دوقت من ده كثير
وفي الآخر بيطلع كذب
ياريت فعلاً تكون قادر
تشيل من وردتى الشوكه
ما يمكن لي تكون قشّه
و تنقذ روعي مـ الموجه
بصراحه انا قلبي محتاجلك
و هعمل ايه بقى ف حوجه .!

و حبيبتها ..
و ناوی أروح على بيتها
لقيت مجدافي متكسر
ب حاجز إسمه فرق السين
كان خلاص ..
كلام الناس بقى سنه و فرض
يا تمشي عليه و تستسلم
يا يخسفوا بيلك لـ سابع أرض
وهو انا ذنبي إيه إني
عشقت انا واحده حبيبتها
و ذنبي إيه انا فـ حاجه
لا هي بأيدى ولا بأيدها
وهو خلاص !!
عشان الفرق بيننا بسيط
هنكسر كله بـ سهوله
مقولتوش ليه متنفّعش
و انا لسه فـ نظرتى الأولى
لكن هيفضل الغلط منكم

ما هو ش مني
لا هسمح كلمه تكسرني
ولا هتخرج ف يوم مني
ما هو مش ذنبي إني ف يوم
عشقت انا واحده من سيني

الحياه قدره
فلا تكن مقتولاً و تطلب الشفقه
بل كن قاتلاً و أطلب المغفره .

كبرياء

بنتبارد ..

و بنخبط و بنعانِد

و بنقارن نفوسنا ب ناس

لا ليهـم قيمه ولا لزمه

ساعتها ب تبتدي الأزمه

و تتسرب حاجات بيننا

لا بترجع و لا بتتلم

و تفضّل روحنا مكسوره

و تنزف هم فوق الهم

و يبدأ يومنا يقلب كُحل

سحابة شمسنا ب تسود

و تبرّد روحنا زى الثلج

ب مطرة حُزن قلب إتهّد

تهل علينا تسقيننا ألم و جروح

و عشان نوقف الفيضان

لأبد هنبني وسطنا سد

كَلِّ الحَكاِيَه بِ تَبْتَدِي فِ لَحْظَات
كَلِمَه وَ طَلَعْتَ وَ قَت كَانِت رَوِّحَك
غَرَقَانَه ..

فِ بَحْر الحُزْن قَوْلَتِيهَا
وَ عَارِفَه إِنْ إِنْتَى نَدْمَانَه
عَيُونُكَ لَخَصِت مَوَال
وَ عَارِف شَائِلَه جَوَاهَا
كَلَام لَازِم فِ يَوْم يَنْتَقَال
وَ طَوَّل مَا الكُبْرِيَاء مَانِع
هَيْفُضَل الكَلَام مِتَشَال
هَنْفُضَل نَجْرِي قُط وَ فَار
يَوْم تَبْعِدْ أَقُوم اقْرَبْ
وَ يَوْم تَقْرَبْ أَقُوم أَبْعِدْ
لَا نَوْمَلَا فِ لَيْل هَيْمَحِي الَهَم
وَلَا رَجُوعَك هَيْبَقِي حِيَاه .

الأم

الأم ..

كلمه أول ما بتتسمع

بنتخيل ..

ملاك داخل على الخمسين

بـ تدي عيالها درس حساب

و لمة شعرها بـ توكه

و قدامها موارد الباب

بشوفها معلية فـ صوتها

و ماسكه فـ كفها القُقباب

و راميه البُك عـ السُفره

و حاطه عليه 3 جنيه

فـ جيب سحري تلاقي فلوس

عشان زنفه ..

وفي بطاقه و وصل النور و كارنيه

و صوره جوزها و عيالها

و بوسة حُب جنب عينيه

كلمه الأم أول ما تسمعها

تشم دفي غريب و حنان

مش حاطه ريحه لكن طيفها

أجمل من أغلى برفان

ريحة زمان و مكان

و عُمر عدى مِن زمان

و ريحة هَم ياما إتشال

و رَغَم تَلقى أمان

ريحه شَبوره وَقت الفجر

ف أول يوم لينّا دراسه

و ريحه شَنطه جواها أكل

و أدواتك و كراسه

وراديو إذاعه القرآن

بيقرأ ف صورة الإخلاص

نبوسها بعدها بسُرعه

عشان نَلحَق مكان ف الباص

و ريحة حلة المَحشي

و شورتاتى و انا ف بلطيم

و ريحة قهوه و فرسكا

بيتباعوا بكام مليم
ريحة بطاطين بتتهوى

على منشَر ف بلكونه
ريحة حاره و فيها عيال
بيلعبوا لعبه مجنونه
ورичه أكله يوم جُمعه
تشبعنا لحد العصر
ريحة شقه ف مكان شَعبِي
ب نقشة فَن زِي القصر
ريحة سلم ف عِز الحر
بتجري عليه و تتتهوى
كنافه بلدي ف المطبخ
تخلص من غير ما تتسوى
ريحة بيتادين و مايكركروم
و لزقه و أنت متعور

و تنهيده ف شكل عتاب

عشان الباشا متعور

ريحتها حياه ..

ف وسط حياتنا ، بتتور

يشفي الوقت ما لا

يستطيع المنطق شفاؤه .

" سينيكَا الأصغر "

الشتا

الحزن انتيم الشتا
والشتا مفتاح الاكتئاب
بالتالى يا احباب
هلت مواسم الحزن
فلتبدأ الرحله ..
خبي فـ لبس الصيف
ونخش بيتنا الصوف
والقهوه والقعه
في هدوء يسبب خوف
للقلب والقلولون
اول ما تمشي الشمس
نتلم فـ بيوتنا
ونسيب شوارعنا
فـ الوحده منسيه
تبقى السما غيه
واحنا اللى سرب حمام

تقلب غيوم و عتاب
وعياط سحاب كداب
بيبل ارواحنا ..
كان يوم لقانا فراق
قومنا و روحنا
دوبنا افراحنا
مبقاش يفرحنا حتى الهزار مع بعض
طب ليه نلوم الشتا ..؟
والمشكله فينا
اصل الشتا ده كئيب
ومعقد التركيب
بيسيب حاجات ويجيب
حواديت بتوجعنا
طب ما احنا سمعنا
وكل الكلام اتقال
ورجعنا دمعنا لما الحنين

اتشال كان حبنا موال

غنيتہ معجبكيش

كان حبي ليكى خيال

بس انتى ماصبرتيش

طب ليه مأنكرتيش

كل العتاب والغم

كل اللى منك هم

وانا كنت ليه خادم

منا بردو بنى آدم

ولا انتى ملاحظتيش !

متصدقوش كلمه ..

من غير اساس ولا اصل

كل اللى قالوا وعود

من غير وعود وشهود

كان بردو مش موجود

جواهم النيه ..

وانا برردو متلومنيش
لو شعري ليك كان كذب
علشان بحب الشتا ..
وإن الشتا مش حزن
الحزن فيك انت
انت اللي بتقرر
وانت اللي بتدور
ع الوهم ف مشاعر
وتقولي ليه الكذب !؟
هو انت مش شاعر !؟
اها نسيت أفكاركم
متصدقيش شاعر
ما الشعر برردو كلام .

المرايه

في بدايه المشهد ..
عصافير قصاد شباك بيطل ع الدنيا
وأغانى و مشاعر
مع قهوه مضبوطه ..
ورا الشباك فيه حدوته
ل شاب حياته طبيعيه
جنينه ف شكل اغنيه
وكورداته كمان مبسوط
ووتره ورود بتتنطط
وكان شباكه ليه لوحه
يبص عليها ويخطط
لأيامه واحلامه ..
لكن شباكه يوم خانه
وهل عليه ف ليله بفيروس الوحده
كأنه سم مش قاتل
بياكل كل يوم حته
ومفعوله مهوش من يوم

وسرق النوم
وغير شكل ايامه
بقت اوضته كما الملجأ
ببيانها حديد وأسوارها إزاز مكسور
بقا يكره يشوف النور
وقهوته ساده مغليه
بقت كورداته اغنيه
كلامها كله مش مفهوم
ومعزوفه بوتر مقطوع
كمانجه قديمه مرميه
وخانها الوقت
وركن ف اوضته فيه مرليه
وجواها انعكاس صورته
يقارن نفسه بين ماضي وبين دلوقت
ليه استسلم لـ فيروسة
ورافض ليه مضاد للحزن

هيشفي حزنك البايت
و يرّجّع عمرّك الفايت
عشان ولا شئ
فتح شباكّه من تانى ..
وصلح كل اوتاره
عزف بـ كمانجه لحن جديد
وطفي غربته و ناره
وشغل اغنيات فيروز
وصب القهوه مضبوطه
ورا الشباك فيه حدوته
لـ شاب حياته طبيعيه
قتلها الحزن ف غيابه
ورجعت تانى اغنيه .

دور شطرنج

في وسط الساحة و اترصوا
ملك ف النص جمبه وزير
وعساكر من صف الامان بعدوا
و إتقصوا ..
وقف الملك مطمئن و فرحان
ف صفه وزيره والطايبه و أفياله
و حصان ..
رمى عسكر ف نص الحرب
و إيه يعنى ..؟
ما هم الاولى ياخذوا الضرب
منا مبسوط ومطمئن
و مين اصلا هيوصلى !
عساكرى واقفه قدامى
ب نفسه روحى يضمنلى
فضل واقف و حاسس إنه مش مغلوب ..
وفجأه يبص ف الساحة

لقى الحوار مقلوب ..

عساكره كلها ماتت

ساعتها يا ينقل الطابيه

و يخسر جزء من صفه

يا تبقى اللعبه دى فانت

ظلمت العسكرى الغلبان

وحطيته ف وش المدفع

طب إدفع ..

حرك بقى طابيتك و افيالك

و ف وزيرك و فرسانك

ما دام خسرت اول صف

عمرها ما هتبقى دايمالك

ساعتها بس حَس ب خوف

الكل عليه بقى ملفوف

و حته عسكرى أبيض

بقى يخليه يدور و يطوف ..

يدور ويطوف ورا وزيره

و يتحامى ..

ظلمت العسكرى ياما

فد اشرب نفس كاس الخوف

و دوق الذله و الكسره

و دوق القله و الحسره

إمبارح كنت ملك الدور

و بُكره هتبقى مـ الأسرى ..

خلاص الفيل بقى بره

و ماتوا الطاييه بـ المره

خلاص قرب بقى دورك

و صعب هتسلم الجره ..

هتلقى الكل يوم سابك

و فجأه هيتقفـل بابك

و تفضل فد الحصار محبوس

ظلمت العسكرى الغلبان

و حولت حياته لـ ضناك

و مُلْكك يا ملك يا عظيم

هتبقى نهايته ، دور شطرنج .

سِتِ الحُسْنِ

عيونك بحر فيه موجه بتندھلی
مع انی ملیش ف العوم
وعمری ما خُفت غیر م البحر
لقتنی بمیل مع الموجه
كأنك سحر ..
لقتنی ف عینك السباح
وعایز اوصل لـ رمشك بر
وابنی قصور على خدك
رماله كنوز ودهبك حر
يا بنت الناس انا عاشقك
وعمری ما دوقت غیر المر
ونفسي ف مره اسكن بر
تكونی علیه وانا اجريلك
وأللم ف السكوت و أمر
على كفوفك ك نبع الماء
وانسي كل احزانی في لمسہ اید

وفرحة تهل على قلبي
كما لو عيد يشيل اسمك
ويبقى تالت الاعياد
يكون عيدك يا ست الحسن
وحلوياته تبقي انتى
لا عيد لحمه ولا ملين
ولا حمص ف كرتونه
تكونى انتى عروسه العيد
ويبقى العيد ده عيدنا وبس
وناخده اجازة رسميه
ونعزل نفسنا و نظير
لكون تانى ..
يكون كوننا ، يشيل لوننا
ونبنى عليه لوحه كبيره
ونكتب : " ملك ست الحسن "

آخر نص في 2017

سنة عدت و جت ثانيه
وبعد نص الليل ب ثانيه
هنقل صفحه استكفت
و نفتح صفحه للدنيا
شهور و سنين بقوا ذكرى
وخلصوا في سهره قبل الفجر
على الكافيهات ، و ع الرصفان
وبنت مكمله ب ضمان
وحالفه ما تبقي يوم ماضي
ده حب مكنش ع الفاضي
عشان بالوقت يتغير
نصبي لسه اهو صغير
في صحبه و شله تجمعنى
ل لمه في يوم تشجعنى
وأحس إنى بقيت مسنود
ل يوم بتمنى إنه يعود
عشان اصالحها م الأول

ونتصالح و نتخانق
تمثل ب إنها تفارق
ونرجع تانى متصالحين
سنه عدت مآسي كثير
و جرح الذكرى لسه كبير
ولسه في ضلعى متعلم
ونفسي القلب يتعلم
يضحى ب ناس ماهيش فكراه
وينسي قلوب كثير ناسياه
يحول من جروحه حياه
و يرجع تانى يتكلم .

لولا وجود الشعر

لولا وجود الشعر

كُنّا بقينا تراب ،

أو تَبَغ لـ سجاير

أو وسط ناس اغراب

محبوسه ف دواير

أو وسط مزيكتك - البائسه -

يا قويه يا جابسه

سييتيني ليه حاير

صورتك ..

صورتك طابعها يافطه ع الشباك

كل أما بحزن فجأه بتأمل

علشان اشوفها فافتكر جرجك

ف تبان دموعي بسيطه ، و اكمل

خَد الرصيف عيط مطر بليل

لما حكيتله ع اللى صار بينّا

طَبَطَب عليا و قالى متكملش

ملعون علاقه وجودها بيهينّا

سابق عليك قلبك ،
او اى شئ تانى
لا تحن للماضي ،
ولا تبقي ليه ميال
و لا ف الخصام تفجر
صدقنى هتعانى
ده الوعد لو فاضي ،
تستنى ليه افعال ؟!
و العشره يوم ما تهون ،
ماتهنوش لابن حلال .

في لعنه ايام بتطارذك
وحاجات بتعكر احلامك
محتاج ممكن فقدان ذكرى
علشان تتصلح ايامك
ومقامها ده لو عندك غالى

تبقى انت اللى خسرت مقامك
خليتها القشه اللى ف بحرك
علشان تحمينا من الموجه
ملعونه الايد اللى بتقطع
الايد اللى بتطلب حوجه
كانت المسكينه اللى بتقتل
وتعيط بدل الدمع سموم
تجرح و تخون وتنام و تقوم
وتكمل وتقول دى بتوفي ..
زى النيكوتين ف سيجار جبته
علشان تحرق بس في قلبك
و وفائها ده لو بس ميزتها
ف الحب الأولى اديه لـ كلبك .

" أن تضئ شمعہ صغیرہ
خیر لك من أن تنفق عمرک کلہ
تلعن الظلام " .

كافر

مؤمن ب الشّعر إنه بيسند
وإن اللى يصاحبه ف يوم يرتاح
و ب وش البن أما بيوعد
يقفل ع الذكرى ب 100 مفتاح
مؤمن ب كلام و حاجات تافهه
زى انى هلاقى ف ليله صحاب
و كأنى غريب شافكم ميا
ف طلعتوا ف اخر السكه سراب
لكن ب البعد انا كافر
كافر ب العاده و ب التقليد
و كلام الناس اللى بيهدم
علاقات و ياخذها بدون مواعيد ..
سييتينى عشان كلمه اتقالت !
و نسيتى عشانها وعود ياما

ما كلام الناس عمره ما يخلص
و هفضل وسط الدوامه
كملتى و دوستى و مش فارقه
و كلامى و شعرى ميلز مكيش
ف الأحسن هسكى لـ طوب بيتك
علشان ودنك مابتسمعليش ..
صدقته يا طوب لما حكيتاك !
و وعدتك هرجع لىك تانى
امبارح شفت قصاد بيتها
دمعى بيتكسر قدامى
كان نفسى بجد تكذبهم
كان نفسى بجد تكون جنبى
الرقبه اللى شفافي دأقتهم
مش حمل ف مره تشيل ذنبى ..
بلمح ف عينيها غيوم و سحب
و بحس البرد ف ضحكتها

قلبي المفتون سابني و هاجر
عشان يتدفي ب كلمتها
علمتي القلب يقوم يمشي
و يهاجر جسمي عشان خاطرك
لو عملوا الناس ألف محطه
فد انا عمري ما هركب غير قَطرك
يا جميله جمالك كان يوسف
و انا كنت ب حزني ابوه يعقوب
و مانيش ايوب عشان اصبر
ولا حبك ذنب انا عنه هتوب
فد انا بس انا متأكد ..
إن انا هرجعلك تاني يا طوب .

هیتا

۱ -

فـ وقت مش مفهوم

و فـ ظرف مش معلوم

كما الغفله

بتتغير حاجات و حاجات

وبتتخلق حكايات

ممزوجه بالصدفه

بينطق كل شئ ساكن

ويوضح كل شئ داكن

وتبدأ الليالى تطول

كان القلب دق طبول

عشان يفتح بيبانه لحد

كان القلب حس بجد

بـ روح جايه بتنده ليه

بدون اسباب .. ولا تحذير

ك تتر بدايه المشاوير

هتبدأ لحظه التفكير

ف روح هتدق على قلبك

وآاه م القلب و يا غلبك

لو اتوتر ساعه تفكير

كان لحنه زى العود
 قابل كمانجائها
 على سلمه من نوت
 كانت يادوب هتفوت
 لو كان فضل ساكت
 فعزفوا لحن كان دافي
 كان القلب كان نافي
 ما تعزف غيرها ليه الموال
 كان القلب كان متشال
 وفجأه اتحط ف مكانه
 ف عزفت سطر علشانه
 وهمست كلمه ف ودانه
 إنها موافقه ..
 موافقه تبدل الاوتار
 مع عُوده
 وتبقى كمان ب نغمه عود
 ويبقى زيها ف الصوت
 ف وافقوا يبدلوا الاوتار

صَبَّحَ اللى كان مرفوض

من بين كمان او عود

بقى يتقبل عادى

بقى عادى يسمعها

بقى حتى يمنعها

تفكر انهم مش صح

بحجه ..

مادام احنا بنعجب بعض

وشايفين إننا كاملين

هيفرق مين !؟

لا تفرق ناى هتتكلم

دى مخرومه و ملهائش عين

ولا يفرق كلام طبله

بتتلطش و صوتها يلين

ولا حتى الجيتار يمنع

فد قولى بجد يفرق مين !؟

يابنتى احنا انصف صوت

بيدخل و دن بنى آدمين

ف نفس ذات الوقت
والمنطق المجهول
عرف انه كان مقتول
على سطر يحييها
لكنه فشل ف اغانيها
عشان الامر لسه غريب
لكن صمم ليبقي حبيب
برغم صعوبه المجهود
ماهو صعب إنه ييبقي كمان
وهو اساسه اصلا .. عود

قالوا القاعده و ليها شواذ

فكان لازم يكون في نشاذ

نتيجه غلطه عملوها

بداعى الحب واللهفه

على حبه شغف و جنون

فـ ضحوا عادى بالمضمون

عشان التضحيه واجب

لكن نسيوا انهم غير بعض

ونسيوا ان الحياه مقادير

وهم اختلفوا فـ التقدير

فـ كان لازم هيحصل كسر

الثانيه بتوضح قرارات بتنفعنا

زى اتفاق القلب

مع قلب يشبهله

وزى اكتمال الروح

بروح ثانيه

فأستهلكوا الثانيه

ف قرار ميوجعكوش

زى اللى صاب العود

قرر ليشبه بس ميكملش

قرر يضحى ب أصله و ب لونه

وبرغم وجعه برده متعلمش

صبرت وعدت طيشه و جنونه

لكنه اضعف منها .. مستحملش

هبيتنا

اتفكت الاوتار

واتحطوا في مكانهم

واللحن كان مضبوط

واترص قدامهم

والحضن كان موزون

والحب كان مضمون

والاكتمال اهو تم

كان بس ليه الهم

يا كمانجه مـ الاول؟!

مش شرط تتحول

علشان تبان بتحب

مش شرط تخسر شئ

إلا عشان تِكْمَل

غَير حاجات جواك

لكن متخسر هاش
احضن ايدين عاشقك
لكن متكسر هاش
الحسن زي طشاش
عديه و هيعدى
لو يوم هيقتل فيك
قوله انت مش قدى
خليك جسد بروحين
تبقي الحياه أحلى
و الأحلى و الأحلى
لو كنتوا يوم كاملين .

لا داعى للخوف من صوت الرصاص
فالرصاصة التى تقتلك لن تسمع صوتها .

للتواصل مع الشاعر :

Fb : khaledtharwat1998@yahoo.com



الفهرس

2	بطاقة الكتاب
3	رؤية الناشر
5	إهداء
7	هيّ
10	المديح
12	من يوم ما غيبتى عني
14	دي من سنك
21	كبرياء
23	الأم
27	الشيتا
31	المرايه
34	دور شطرنج
37	سيت الحُسن
39	آخر نص في 2017
41	لولا وجود الشعر
44	كافر
47	هييتا
57	الفهرس